


破庵語錄

誦芬題簽



破庵語錄序

佛祖正法眼藏初不可

傳可傳者豈非斗然所

謂承茲正法眼藏初不可

破庵語錄序

佛祖正法眼藏初不可
傳可傳者筌蹄耳然而
師承真正根蒂分明則



有言無言多非正法凡
取以發揚祖道開示後
學使人因指見月其可
傳乎 先破庵老和尚

九坐道場說無義我語
三千仞峭絕峽巖佳用
縱橫打破密庵窠窟
行持高峻遠紹佛果

家風正令金提諸方風
靡大機密用外道潛
蹤獨運本分鑪錘直
鍊幾多禪衲近世宗

師悲心多幾嗚呼當此
法弱魔強之際倚公一
袪以障類類今其已矣
後學將安仰乎予雖未

識師顏而書問往來
訂是事千里同風固若
符契今侍者圓照編
次法語永序板行三復
玩味非唯如已識面又
得其心乃知破庵老人
有不亡在續佛慧命
非在斯文乎與子道高

人要須具眼

嘉定壬申孟夏浩齋

居士楊子諱書

夔府卧龍山咸平禪院語錄

叅學比丘圓照等編

入院指三門此箇大解脫門是離見超情無欲無依
底人之所住處咄且居門外

指法座諸法空為座處此為說法乃云也要頭上安
頭便陞座遂拈香云此一瓣香恭為

今上皇帝祝延聖壽萬歲萬歲萬歲恭願聖明逾
日月春筭等乾坤又云此一瓣香奉為

判府安撫太中洎合府尊官伏願永佐

明君長居祿位復拈香顧視大眾云還知落處麼劫

石固來終有壞此心毒恨恨難忘奉爲見住明州天
童景德禪寺密菴大和尚以醕法乳遂就座云善舞
太阿劍必無傷手厄能捋猛虎鬚須有轉身策莫有
不傷鋒犯手底麼僧問衣盂昔日親傳得籍籍聲名
冠四川無限人天俱側耳請師一句祝堯年師云巫
山十二峯進云皇圖祝贊人皆委使施臨筵事若何
師云清風來未休進云伯牙不遇子期老高韵那能
遍九垓師云塞斷耳根進云向上一路千聖不傳黃
梅因什麼半夜傳衣師云一時不着便進云既有七
百高僧爲什麼衣鉢分付盧行者師云多少人眼熱
進云明上座起到大庾嶺頭爲什麼提掇不起師云
非但明上座進云明上座道某甲不爲衣來特爲法
來乞行者指示此意如何師云未是好心進云只如
行者道不思善不思惡正恁麼時那箇是明上座本
來面目明便悟去還端的也無師云三生六十劫進
云見月休觀指歸家罷問程師應聲云如何是你家
僧禮拜師云却也相似乃云霧鎖長空風生大野韶
光溢目萬彙敷榮罷遊百城直登寶所是故道我本
無心有所希求今止寶藏自然而至上是天下是地
且道寶藏在什麼處這裏見得便見判府安撫東造

制手
克世切
昌列切

新州盤
山清
禪師
示世

化權持公正論同毛錐子上點出住山鉅斧直得有
眼者見有耳者聞聞見歷然以何爲驗以主丈卓云
欲明少室無私句便是黃堂利物心復舉麻谷問臨
濟大悲千手眼那箇是正眼際云大悲千手眼那箇
是正眼谷拽濟下禪床却坐濟近前云不審谷擬議
濟却拽谷下禪床却坐谷拂袖便出師云二大老機
如掣電眼似流星未免被傍觀覷破且道誰是傍觀者
良久云久立尊官伏惟珍重

謝知事頭首上堂扶持臨濟正法眼出手還它勇毅
人利物應機全體用叢林又見一番新

上堂舉心月孤圓光吞萬像光非照境境亦非存光
境俱忘復是何物師云先聖一期慈悲未免拖泥帶
水卧龍即不然光境俱忘切怎喚鍾作甕

上堂隔山見煙便知是火隔牆見角便知是牛乃拈
主丈云這箇不隔一絲毫必竟喚作什麼有時倚向
古屏畔任使丹青入畫圖

密菴計音至上堂客從南方來報我天童老撞破太
虛空全身入禁草而今子細思量令久哭不成哭笑
不成笑寥寥自斷千峯曉

解夏小參未離堯率已降王宮未出母胎度人已畢

已是起模畫樣了也。那堪乘日輪香象示生王宮半
夜逾城六年苦行。至於布漫天網垂萬里鈎打鳳羅
龍隨方任器如印傳印似空藏空全提本地風光揭
示正法眼藏大似傍若無人。至令守株待兔之流以
爲實然殊不知我王庫內無如是刀利根上智之士
終不向裏許啞吶滋味求覓解會。進前退後持擇論
量向上向下盡底踏翻赤手拏空羅籠不住呼喚不
回。簸土揚塵飛星撒火覓冤覓讎猶未能髣髴豈不
見道玄門無法不立紀綱若欲討尋聲前薦取見今
三期告滿九十日中坐卧經行克念修證修證已畢
梵行已立且作麼生說箇聲前薦取底道理堪羨一
堂無事客卧雲深處不朝天

復舉金峰問僧你還知金鋒一句子麼僧云知來久
矣峰云作麼生僧便喝云金峰一句子今日百雜碎
金峰云稍曾問人就中闍梨門風峭峻僧云不可要
人檢點峰云真箇不博金後來圓悟道金峰拖泥這
僧涉水雖然末後殷懃未免當頭蹉過師云山潤石
含玉林秀淵藏珠珠玉兩交輝情窮意難極因其却
道當頭蹉過路遥知馬力歲久見人心
上堂一夏九十日今朝甚告畢二千年前事切忌更

尋覓

上堂舉紫胡和尚中夜於僧堂前高聲云捉賊捉賊衆皆驚起胡乃搔住一僧云捉得也捉得也僧云不是某甲胡云是即是只是不肯承當師拈云紫胡只知驚群動衆賣峭誇俊不顧傍觀自招其咎何故誣人之辜以辜加之

自是此同

上堂德山棒起摸畫樣臨濟喝翻成忒怛堪笑無位真人出入面門失却多年破襪

上堂舉僧問嵩頭路逢猛虎時如何頭云撥師云品頭一撥虚空迸裂父子不傳神仙秘訣

上堂舉藥山久不上堂院主白云大眾久思法要山云撞鍾着衆纔集山便歸方丈院主隨至方丈云和尚許爲大眾說法何得一詞不措山云經有經師論有論師爭惟得老僧師云藥山徑歸方丈却似箇好人只被院主隨後輕輕一提便見忘前失後

上堂暑威尚熾甚見新秋滄浪倒騎驢子梵志齣着襪頭堪悲堪笑白唱白酬有時來好月特地過滄洲上堂大家共住喫葷齋熟煮爛炊甚食易飽細嚼難飢冷淡沒滋味從來少人知拍膝一下云此意明明說向誰

上堂舉僧問古德萬境來侵時如何德云坐却着師
云古德雖是鐵作脊梁未免費力或有問卧龍萬境
來侵時如何只向道見性不惟其性自壞

上堂今朝又見開爐浩浩諸方煖熱卧龍冷落門庭
也要人前細說夜靜更闌灰也無衲衣破處未侵骨

平江府秀峰禪院

參學圓照等編

楊岐作住

上堂舉古人道楊岐乍住屋壁疎滿堂盡布雪玓珠
縮却項暗嗟吁翻憶古人樹下立師云楊岐闕勝不
闕劣秀峯闕劣不闕勝秀峰乍住沒親疎箇箇盡懷
滄海珠滿眼湖山看不足釋迦彌勒是他奴

謝故舊相訪上堂撞着道伴交有過一生參學事畢
師云先聖恁麼道也似平地陷人撞着道伴交有過
正落曹溪第二機拍禪床云不是苦心人不知

上堂舉密菴先師道有問冬來事京師出大黃貪它

一粒米失却半年糧師云秀峰不恁麼有問冬來事
京師出大黃只圖一粒米却得百年糧或被知事道
長老長老莫道百年糧只得半年不少也得只向他
道但辦肯心必不相賺

上堂馬祖陞堂百丈卷席正令不行拗曲作直還知
雪竇老人落處麼少林幾坐花木落庾嶺獨行天
地寬

上堂舉汾陽道識得拄杖參學事畢泐潭澄云識得
拄杖入地獄如箭師云識得拄杖且拈靠壁

歲夜小參一不做二不休大丈夫兒當自由掃蕩從
前知解掀翻路布葛藤已靈不重聖亦不求無依無
欲無喜無憂一向恁麼冷啾啾徒悠悠不如據見定
向平田淺草拋三放兩且任隨流入流而況否極泰
來春風滿野韶光溢萬象發輝拍拍是令物物惟
新達磨九年面壁搏景未就至今厥疾弗瘳臨濟雖
具隻眼等閑未可同謀惟有主丈子卓一下云有來
由氣憤憤布縵天網垂萬里鉤羅龍打鳳拳踢相酬
彼彼分緇定素只貴知慚識羞爲什麼如此大海若
知足百川應倒流復舉睡龍和尚一日上堂拈起
主丈云二十年住山全得者箇氣力時有僧問和尚

得它什麼力龍云過溪過嶺東拄西拄後招慶聞云
我則不恁麼道僧云和尚作麼生道慶將杖下地拄
行師云睡龍好條主丈可惜龍頭蛇尾更得招慶隨
後打撲撒大似畫虎添斑當時待它道和尚得它什
麼力拈拄杖便擲管取擎雲樓霧

上堂向上向下全提半提風行草偃斗轉星移總是
諸方普請邊事秀峰箇裏只是多年上大人丘乙巳
拈起則乾坤失色放下則瓦礫生光不拈不放又作
麼生卓主丈下座

上堂首夏初臨薰風乍扇急景如梭萬化千變惟有
拄杖子黑輪皴沒思筭解道厨庫揖僧堂三門朝
佛殿

密菴忌辰燒香箇甚慈不賤是挨着便提靠着便諱
鬼面神頭不容擬議我昔被渠鈍置至今恁入骨髓
此怨難雪此恨難洗以手加額云南無真本福州啼
蘇嚕悉哩

上堂身口意清淨是名佛出世身口意不淨是名佛
滅度如是則九旬禁足三月護生盡是無風起浪刻
肉作瘡更言過去心不可得見在心不可得未來心
不可得何異釘椿搖撼不恁麼蝦跳何曾出得斗

豈不見靈山會上廣額屠兒放下屠刀大肆八體道
我是千佛一數若過秀峰且至門外自餘一釋迦二
元和三佛陀當甚堪堪丘拍膝一下

聖節上堂祖道綿綿王道平平同歌舜日共樂堯年
道貫無邊刹境德合一統乾坤且林下道人以何報
稱遂起身云萬歲萬歲萬萬歲

開爐上堂舉趙州道我在南方行脚火爐頭有箇無
賓主話未曾有人舉著師云趙州老老大大有年無
德殊不知火爐頭無賓主話觸目發輝聞見歷然生
曠及稀相逢者少

上堂開口即錯擬心即差倒携蓆帽翻着欄杆看看
暮天欲雪普請各宜照顧且道照顧箇什麼自云照
顧火燭

上堂要明此事若言有道理也賺你若言無道理也
賺你不有不無也賺你何故不是弄潮人莫入洪
波裏

上堂寒食清明節日光映林樾壠上標墳人眼中流
出血生滅本無蹤時人當自決君不見水潦曾經馬
師踏直至而今笑不徹

上堂今朝五卅端午不用書符呪語只將者箇拄杖

卓一下云用作降魔鐵杵楚大夫活捉獐龍張天師
倒騎猛虎觸翻東海鯉魚直得傾盆下雨

上堂二夏九十日今朝喜圓滿拈得鞞縣茶鉞撼碎
饒州磁碗冷笑布袋平欺懶墮天堂不拘地獄不管
空腹高心檐片板無端瞎却頂門眼

謝藏主上堂舉昔有一僧在藏殿裏坐藏主見乃問
云上座何不看經僧云我不識字主云何不問人僧
乃緩緩起來叉手問云這箇是什麼字主無語師云
從上佛祖遭這一問也無啓口處諸人還會麼師云
問處字義炳然藏主無言文不加點還它老成人扶

特正法眼

中秋上堂靈山話月曹溪指月玄沙已是嚼飯餓
孩寒山子無端更道無物堪比脩教我如何說秀峰
路見不平卓主文云打破果窟

臨安府廣壽慧雲禪寺語錄

參學圓覺等編

師在靈隱山受請陞座云釋迦拈室已見請訛淨名杜詞翻成狼籍若非頂門眼正何以辨明緇素所以道鏡無心而取像妍醜自分劒無意以求人殺活自在顯諸仁藏諸用其惟至理乎便恁麼去亦菴居士新建寶坊永延慧命鏡益一切可謂功不浪施其或未然但有路可上更高人也行

復舉昔有一宮人請米倉保壽二人齋官人云請二人長老談論佛法壽云請米倉師兄長答話倉便喝

壽云未曾問着喝箇什麼。蒼云猶嫌少。在壽却隨聲與一喝。師云二大老。雖眼辦手親爭。奈箭鋒不相柱。直饒齊發齊中。向官人面前只成一場敗闕。且道官人具甚眼目。慣從五鳳樓前過。手握金鞭賀太平。入院陞座拈香祝。聖罷次拈香云。奉為建寺大檀越亦庵居士。闔府貴眷。增崇祿筭。乃就座云。言無展事語不投機。承言者喪滯句者迷。遂有獨脫底麼僧。問破菴爐。輔諸方少居士。門庭八字開。等是靈山親授記。何妨握手笑。哈哈且道賓主相見。合談何事。師云舌頭不出口。進云得聞於未聞也。師云聞底事作麼。生進云學人到這裏。結舌有分。師云狼籍不少。進云昔日世尊布髮掩泥於然燈佛前。然燈指掩泥處云。此處好建一梵刹。此理如何。師云意在鉤頭。進云會中有賢于長者。以標插于指處云。建梵刹已竟。又作麼。生師云大地震動。進云於是諸天散花贊嘆云。庶子有大智矣。又且如何。師云世情偏向富門多。進云只如今日亦菴居士。建大寶坊與賢于長者。是同是別。師云一會儼然。進云可謂古今無異路。達者共同途。師云重說偈言。僧禮拜師。乃云建法幢立宗旨。明明佛勅。曹溪是敢問大眾。且道曹溪事作麼。生

若向箇裏知得落着使見亦菴居士建大寶坊廣容
佛子俾一人人衣珠顯赫照世明燈一箇箇正眼豁
開昏衢巨燭是謂勇猛大丈夫希有能難能之事以
此盡人子之義我造次必備以此盡臣子之心顛沛罔
欺夫是之謂躬行而不息深入淨名不二者也
復舉適來禪客問布髮掩泥因緣隨說偈云插一莖
草建梵剎畫出規模何太窄爭似亦菴新建立容盡
十方雲水客就薦嶺風高少林月白光明寂照遍河沙
萬古流輝有張拙

當夜小參佛以一音演說法眾生隨類各得解敢問
六衆那箇是一音所演底法然是一即一切一切即
一麼莫是識得一萬事畢麼莫是一月普現一切水
一切水月一月攝麼如斯理論鄭州出曹門畢竟是
那箇一音以拄杖卓一下云一音既演直得三草二
木萬像森羅情與無情隨其根性而得解脫雖然如
是惟有主文子不在其數爲甚如此遂卓一下云單
重交拚

復舉南泉示衆云自小牧一頭水牯牛擬向溪東收
未免犯他國王水草擬向溪西收未免犯他國王水
草不如隨分納些些想不見得師云山僧自小亦牧

一頭水牯牛也不向溪東牧也不向溪西牧也不隨
分納些些只是流行坎止滿緣即宗一任諸方檢責
上堂眼見色耳聞聲棒喝交馳拖泥帶水便恁麼太
乖張人貧智短焉獲毛長

亦菴居士生日上堂佛語心爲宗無門爲法門入得
無門之門便見天無四壁地絕八維通上徹下是箇
微妙大解脫門輝騰今古迥絕見知全提就無礙拈花
揭示西來密旨津梁九有利及四生不歷化城直登
寶所只如功勳不昧又且如何朝廷有道青春好何
館無私白日閑復說偈云鸛鵲啼處百花香日暖風
和春晝長昨夜虛空開口笑祥光瑞氣滿華堂

上堂上方國土中惟有一乘法鬘市門頭張子季四
東頭買賤西頭賣貴定盤星上秤來未免七老八錯
廣壽長老贏得張口掛向壁角從它露柱燈籠打瓦
鑽龜搏量卜度誰知笑倒黃幡綽

上堂舉僧問洞山天上無彌勒地下無彌勒什麼人
與他安名立字洞山云老僧被上座一問直得禪床
震動師云洞山老漢雖則口甜心苦也是王小波草
鞋或有人問廣壽天上無彌勒地下無彌勒什麼人
與他安名立字只向他道賊身已露何故萬里崖州

未是遠

結夏上堂三千年前公按今朝重爲提撕同住大光明藏無修無證無爲腦後依前欠一槌

上堂今朝五月初十節千妖百怪盡消滅艾席桃符相耳語搖頭不肯向人說無端被者主丈子卓一下云對衆一時俱漏洩從卓一下云只得一槓

杖錫雲簷和尚至上堂曉來鵲噪一聲聲衆驚蟬噪喜見臨歎聽琅琅終日語異苗翻秀映叢林

上堂舉普化云明頭來明頭打暗頭來暗頭打四方八百來連枷打臨濟令侍者去問云揔不恁麼來時如何化云明日大悲院裏有齋師云者風顛漢不妨令人疑着及至被人窮詰將來却只道得箇羅齋打供也似熟處難忘若是廣壽即不然待它道揔不恁麼來時如何便與攔腰一捶住云道道若是皮下有無骨取價增十倍

密菴忌辰燒香老漢從來拍盲偏笑鼻直眼橫大徹堂前落節做出許多敗缺累及平人無處伸雪聞蜀同風有甚交涉六月火燒空田來未是熟將此身心奉塵刹

上堂如是知如是見如是信解不生法相早是不着

便了也當爐不避火却須說破免見迹相鈍置

上堂達磨西來事今人謾度量天河事起浪月挂不
聞香何也見成公案東山祖師漏逗不少乃云達磨
西來事今人謾度量人貧智短馬瘦毛長何也兵行
詭道

上堂天氣或晴或雨白雲乍卷乍舒行脚漢奔南走
北似信不信老臊胡游梁歷魏似有似無拍膝云劍
閣路雖險夜行人更多

上堂舉教中道於三七日中思惟如是事我雖不說
法疾入於涅槃釋迦老子不知思惟箇什麼事得恁
麼難說大衆如是事實難說今日分明爲饒舌身有
涼風冬有雪

上堂纔涉唇吻便落言詮不落言詮即耽寂默耽寂
默則成謗滯言詮則成誑不誑不謗主文子從頭說
破卓一下

上堂舉有僧辭歸宗宗云向什麼處去僧云諸方學
五味禪去宗云我這裏也有一味僧云如何是和尙
此間一味禪宗拈棒便打僧云會也會也宗云試道
看僧擬開口宗又打師云歸宗幸自好一味禪無端
傷鹽傷醋却成五味了也而今忽有人來碎去諸方

學五味禪只向他道善為道者若是箇漢必然別有
生注

上堂老東山道先入白雲門次入白雲限吞底栗痛
禪喫底糲米飯君子如到來好好看方便師云辦能
開飯店誰怕肚皮寬說甚方便不方便先入南湖門
次入南湖室吞底熟鐵丸喫底洋銅汁本色人到來
沙糖更澆蜜

上堂諸法寂滅相不可以言宣拍膝一下云老來不
肯便過犯已彌天

砥講主請上堂舉良遂坐主訪麻谷得旨後歸謂眾
云諸人知處良遂知良遂知處諸人不知師云諸
人知處良遂知良遂知處人不知王維已死無人畫
留得青山對落輝

上堂不見心不是佛不是物大入大出下便担草
屨風行崖笏石裂廣壽一上上得今堂當肯道箇甚
薩摩訶薩

聖師上堂堯仁廣被三千界舜德長敷億萬年珍千
聖恩何以報只憑一炷海檀煙

冬節上堂僧問昔日瀉山問仰山仲冬嚴寒年年事
晷運推移事若何仰山近前叉手立此意如何師云

點即不到。爲云：「情知你苦者。」話不得。師云：「年老成魔。」
進云：「爲山復問香嚴子。」又作麼生。嚴云：「某偏答得者。」
話。師云：「上頭上向得人。」僧云：「爲山復舉前話。」嚴亦近前。
叉手立。又作麼生。師云：「到即不點。」進云：「爲山道：『賴遇寂子，不會。』」師云：「爲山，恁麼道？」那進云：「那裏是它，不會。」
處。師云：「莫瞞。」進云：「一等是叉手近前，因其肯箇不肯。」箇師云：「果然。」瞞。進云：「爲山大似將錯就錯。」師云：「甚處見？」爲山進云：「終不隨人言語轉。」師云：「你已被轉了。」進云：「冬節已臨，和尚以何法示人？」師云：「夜來葉子甚如法。」進云：「一衆所然去也。」師云：「只是你不知慚愧。」
僧云：「爲衆竭力，禍出私門，便禮拜。」師云：「逃得火災，更防水厄。」

復舉。僧問古德：「如何？」是冬來事。德云：「京師出大黃。」師云：「有問冬來事。」京師出大黃。漢家勲業在樊噲。會與張良。

上堂。舉教中道：「生滅滅已，寂滅現前。」大惠道：「真生無可生，真滅無可滅。」寂滅忽現前，蝦蟇吞却月。杲杲不見道。驢人端的處，下口便知音。

退院上堂。黃緣於此得安閑，屈指三年一瞬間。好是今朝乘快便，又携梨杖過它山。

平江府穹窿山福臻禪院誌錄

參學圖照等編

指三門常獨行常獨坐吐實求擱我透門路

上堂拈香祝 聖壽能歛衣就座不直指單傳已成迂

曲明宗定旨轉見周遮便恁麼去執之失度必入邪

路放之自然體無去住常燼不避火點出瑕玷與他

開山祖師相見去也早主文一下云萬疊湖山磨不

盡一天風月鎮長存

上堂百不知百不會似兀如癡隨群逐隊誰云趙壁

無瑕類

上堂僧問請和尚答話師云天寒日短兩人共一衲
進云莫便是和尚爲人麼師云逢人但恁麼舉曾
禮拜歸衆師云無端無端

復舉大悲和尚有僧問請師便道悲云開口即錯僧
云恁麼則真是學人師也悲云今日向弟子手中死
師云還知麼甜瓜徹蒂甜苦瓠連根苦

上堂舉東山和尚道如何是禪問溪樹在海南邊近
則不離方寸遠則十萬八千畢竟如何禪禪師云穹
隆也有箇道熟如何是禪問溪樹在海南邊撐天拄
地拄地撐天巧說不得只要心傳畢竟如何禪

歲夜小參智慧弓堅固箭射破虛空成兩片海門斜
去兩三行驚起暮天沙上鴈牛頭沒馬頭回鐵壁銀
山一拶開上苑玉池方解凍湖光灑灑映在菟却笑
普通年遠事不從恁嶺帶將來有般道從道以指喻
指逐物却物幽谷寒巖春風徧野是則是斬新日月
特地乾坤順末填黑且從你諸人七頭八到或苦新
故交衆倒轉律管何以明辯須知衲僧家拄杖頭上
有可天轉地底生涯不掛本來衣不據坐王殿誇於
佛毀於法不入衆數過橋斷橋得路塞路誰問你七
十二八十四者也周由也未是它棲泊處只如金系

博金水不洗水又且如何任大也須從地起更高
奈何天何

復舉欽山問德山天皇也恁麼道龍潭也恁麼道未
審和尚作麼生道山云你試舉天皇龍潭底看欽擬
議山便打欽被打下延壽堂云是則是打我忒煞品
頭云你恁麼他時不得道見德山來後來雪竇道欽
山致箇問頭也甚奇特爭奈龍頭蛇尾當時待他道
試舉天皇龍潭底看以坐具便搥大丈夫捋席鬚不
爲分外它既不能可憐德山令行一半公若盡行雪
峰巖頭總是涅槃堂裏漢語云大小雪竇錯下名上

若人知得落着許他喫着大虫膽

病起上堂卧病恰旬餘氣力無一銖皮穿筋骨露勉
強且支梧無鹽無米誰爲分踈拈起拄杖云拄杖
子起來呵呵大笑乃卓一下瀉出百斛明珠各請點
檢倉庫畢竟是有是無盡道內空外空內外空空空
大空勝義空有爲空無爲空畢竟空山僧不免隨後
念箇蘇嚕蘇嚕

上堂舉教中道假使滿世間皆如舍利弗盡思其度
量不能測佛智且畢竟如何是佛智乃云雪子落紛
紛烏盆變白盆忽然日頭出依舊是烏盆

上堂十五日已前明似鏡十五日已後黑如漆正當十五日又且如何鶯遷喬木燄頻語蝶戀芳叢對對飛

湖州鳳山資福禪寺語錄

參學圓照等編

穹窿山受請拈疏示衆云一切數句非數句與五靈覺何交涉字義炳然當陽一決

陞座云心鏡明鑑無罣豁然瑩徹周沙界萬像森羅不覆藏一顆圓光非內外既非內外則在彼在此初無間然或去或留寧存轍迹住福臻則福臻長老住鳳山則鳳山主人任器方圓無適不可雖然無適猶是順水張帆諸方共用底且道不墮格則一句作麼生道不欲當頭便拈出恐驚雲綻碧天寒

入院據方丈大九據此文室上能所滅影像掃蕩情
塵不立賓曰者裏還有與鳳山相見底麼良久云此
擬張麟兔亦不遇

陞座祝聖罷僧問東三條篋幾生敲土揚塵敲兩片
皮不妨說青道黑只如不落唇吻作麼生道師云前
過新羅進云直得鳳山作舞雲水逆流師云只是分
外進云如何是鳳山境師云有山有水進云如何是
境中人師云見面勝聞名只如入境歷然主賓互換
一句如何通信師云錦衣公子貴林下野僧閑僧云
謝師答話便禮拜師云切忌錯流通乃云雖相絕言

之道擬心即差動念即隔不擬心不動念直下見得
徹去便乃如龍得水似虎靠山高步毗盧頂不重釋
迦文一切處作殊勝因一切處現奇特事津梁九有利
又四生盡未來際無有窮盡正恁麼時獨脫一句作
麼生道離相離名人不稟吹毛用了急須磨

復舉臨濟參黃蘗佛法大意因緣乃云黃蘗山頭喫
棒大愚肋下禁拳佛法的大意猶隔十萬八千

爲和王上堂乃云大人具大見大智得大用胸中懷
六合掌內握乾坤致君爲堯舜之君使民爲堯舜之
民地久天長河清海晏功業已著勲德已成紫綬金

章垂蔭後世肅嚴梵宇開大施門運出家珍永延佛
子成就無窮佛事莊嚴萬古規模是名特達大丈夫
能爲世出世間希有事便乃從無住本示有去來於
無去來示同生滅且道具如是威猛作略底人即今
在什麼處靈山有路平如砥月戶無人冷似秋復說
頌云世出世間希有事顯發須還過量人出沒卷舒
驚世夢蓬萊山色又重新

上堂舉圓悟祖師道參禪參到無參處參到無參始
徹頭後來水菴和尚道參禪參到無參處參到無參
未徹頭師云還見二大老節角處麼星河秋一鴈砧
杵夜千家

上堂舉教中道凡所有相皆是虛妄遂拈拄杖云若
道是有心外有法若道是無心法不周作麼生道得
恰好卓一下云劔去久矣

受密印師號上堂不坐空王殿不掛本來衣何須更
恁麼切忌未生時又道聖名凡號盡是虛聲殊相劣
形皆爲幻色一向恁麼土曠人稀順俗和光聊通一
線某丘壑之姿與草木俱腐因謂堯天霽澤霑旣表
感此乃觀使御帶不忘付囑遂致林下野人有慈意
外之遇祇受之情不勝感佩復說偈云只箇垂垂白

髮僧一生兩度受 皇恩只憑少室無愁句地久天
長祝 聖君

中秋上堂天上月圓人間月半子細看來從頭錯算
姮娥昨夜失金針撼動玉樓尋不見

上堂不是心不是佛不是物忍俊不禁爲諸人做箇
背脫卓拄杖一下流水暗銷溪畔石勸人除却是非難
冬至小參宗乘一舉三藏絕詮祖公當行十方坐斷
達磨大師眼空四海踰海越漠見他武帝只道得箇
豁然無聖及至對朕者誰却言不識計窮力盡打箇
沒合殺向少室峰前堆堆坐知他是箇甚麼會致令

二祖隨後斷臂安心依摸脫殼及乎勘證將來却只
禮三拜依位而立大似巧盡拙出其餘德山棒臨濟
喝俱眠豎指秘魔擎叉又何足較量不見道言跡之
興異途之所由生若能向世界未立佛祖未興已前
着得眼去方知道明暗交謝寒暑迭遷全提少室單
傳顯示自家風月便見一陽來復萬彙發生陰極陽
外冰生於水且涉流轉物一句又且如何東君漏洩
陽和力不萌枝上也抽條

樓舉德山小參不答話因緣師云德山老漢雖則全
壁而歸要且被新羅僧勘破

冬節上堂節屆書雲陰極陽升冰河發燭枯木抽英
惟有主丈子依舊黑輪皴不迂不變無辱無榮卓一
下云笑殺當年面壁人

謝維那上堂舉興化打克賓話乃云興化打克賓猛
虎驚腰騎養子不及父家門一世表

上堂種種性相義我及十方佛乃能知是事盡見日
夜見月坐卧經行曾無間歇叫叫有其交涉

歲旦上堂舊歲夜來去去從何處去新年今日來來
從何處來既無來又無去鐵壁銀山成指注卓拄杖
下座

上堂廣尋知見猶如鏡裏求形息念觀空大似口中
逃影當此之時如何即是僧繇雖敏手難遡志公具
上堂舉先聖道今古應無墜分明在目前片雲生晚
谷孤鶴下遙天岸柳和煙綠巖花帶雨鮮無人知此
意令我憶南泉且道他古人意作麼生蒼竹掃箨基
局冷野雲籠石衲衣寒

秉拂

華藏首座寮解夏以大圓覺爲我伽藍身心安居平等性智從四月十五日結也十方世界若草若木情與無情盡向拂子頭上重修練行宴坐經行婢視聲聞奴呼菩薩如今七月十五日解也十方世界若草若木情與無情盡向拂子頭上各各以所得所證法門所修所行行願遍布於微塵之中而彼微塵之量亦不迫隘饒益一切各得其宜直得小根小莖小枝小葉中根中莖中枝中葉大根大莖大枝大葉諸樹大小隨上中下各有所受一雲所雨稱其種性而得

生長幸自可憐生被憐陳如尊者起來堯一喝便見
三三兩兩把不定不往河南便往河北不妨自由自
在驀然中路被人攔住道只如萬里無寸草處作麼
生去十箇有五雙撈天摸地直饒惣道出門便是草
也是蝦跳不出斗何故人無遠慮必有近憂

復舉雲門大師道盡乾坤大地天下老和尚以主文
畫一畫云百雜碎後來雪竇道這老漢是則是要且
未有出身路如今主文在雪竇手裏乃橫按云南北
東西甚處得來師云二大老一條主文縱奪可觀大
似字經三寫東拂上座咬牙齧齒敢道箇瞎諸人若
甘去未必善因而招惡果

靈巖殿首座寮結夏聲前一句靈山罔測其由肘後一
機少室何曾夢見便恁麼丟眼見色耳聞聲又有什
麼過因甚雲門大師道聞聲悟道見色明心觀世音
菩薩將錢買胡餅放下手却是饅頭獨脫漢其機
通其變可以據菩薩乘修寂滅行於如來大光明藏
三期之內九十日中披精進鎧秉智慧弓執堅固箭
入如來室坐如來座不離此座稱法界性與山河大
地若草若木情與無情異口同音演說摩訶衍法離
四句絕百非脫情塵沒窠臼直得坐底立底說底聽

底明明歷歷寂寂惺惺拄杖子忍俊不禁眼笑眉垂
合掌贊善只道得箇以大圓覺爲我伽藍身心安居
且從你諸人驀拈主文卓一下云切忌喚作平等性智
復舉臨濟同普化赴齋踢倒飯鉢因緣拈云二大老
有撼動乾坤手段喝散白雲意氣雖然世諦門中羅
齋打供則無可不可若是少室門風未夢見在

金山首座寮至節出叢林入保社暑往寒來忘晝夜
面門接轉越僧袈方得名爲觀自在拈花特地乖張
面壁分明話隨遠水不救近火短綆那汲深泉膏肓
痛處着針捏出從前覺鑊臨濟開心黃蘗大愚薄處

先穿德山意氣洋洋活潑龍潭死水曾祖偏工面壁
空腹高心趙州喚人喫茶禮防君子更說睦州擔版
到頭空過一生至於雪老輟毬千古爲人笑具物是
揚聲止響播鼻偷香弔影揚鞭投崖寄帽丁一卓二
當頭決斷往事莫追正當君子道長小人道消陰極
陽升冰生於水曠達之士自合乘時騰踏馬駒崢嶸
象駕不見靈山會上廣額屠兒放下屠刀昂昂然道
我是千佛一數且從你諸人飛星撒火論量可上可
下只如興化被大覺道箇瞎漢待卸下衲衣痛與一
頓當下便明得臨濟當時在黃蘗處喫一捧底道理

却又如何緇素不是王維手徒說繪丹青

復舉黃蘗示衆云汝等諸人盡是嚙酒糟漢恁麼行脚何處有今日還知大唐國裏無禪師麼時有僧出云只如諸方匡徒領衆又作麼生蘗云不道無禪只是無師師云黃蘗據閫外權持不犯令直得威風凜凜霸略獲全只被箇僧等閑一拶便見和身放倒衆中豈有爲黃蘗作主底麼良久云先上座今夜平地喫交

靈隱首座寮解夏大事因緣出射洪就中豐義更尤強未形問答先明得六用門頭盡放光便恁麼去聞禪與道風過樹頭說性說心水澆頑石眼橫鼻直棒打不回向他祖師門下遠之遠矣若有一箇半箇不受人瞞去我當斬首以謝脫或未然天之高地之厚日月之昭回四生之浩渺三年一閏九口重陽今年靈隱山中堂頭法兄社裏無禪無道與人商量一夏九十日中只有一味清水白米直得有情無情渴飲飢食盡證法喜禪悅之樂無端露柱不甘面面相覷較量大小法門曹洞五位君臣臨濟四種料揀窮幽極微至簡至要束拂上座躡脚近前低頭側耳一一聽覽分明不敢囊藏被蓋將爲己有向諸人面前從頭說破良久云幾乎錯下注脚

復舉僧問雲南秋初夏末前途忽有人問如何祇對
曰云大眾退後着僧云過在什麼處門云還我九十
日飯錢來師云夫善機變審來端雲南有全生全熟
之令者僧大膽鹿心擬跳龍門却遭點額可惜許它
雲南九十日飯坐在窠窟裏翻成隨世流布若到諸
方不得錯舉

普說

華藏首座索告香涼薄之跡棲遲於此得依堂頭遜
菴和尚席下滿謂知照可以安閑乃宗道義推挽勤
切俾令版首又復許時茲又承鳴鼓集眾其飾過分
令爲兄弟提撕話頭深愧不敏所謂自疾不能救何
暇救它人事到如此有不能免只得勉從嚴命謾且
領略而况此間盡是諸方羅籠不住呼喚不回底飽
參碩德在此韜光晦迹藏器待時可謂龍象蹴踏若
遇挂牌並不煩見訪恐有初機兄弟一箇半箇力志
於道者無惜相與切磋蓋此段事諸人見行作爲六

根門頭放光動地自是諸人不自覺知返從他覓所以道分明不却成迷無限風光付與誰若得家山田地穩自然處處不思議又道山僧十九上經過太湖水今年五十二此水尚宛尔清清兩岸流金沙布其底爲物所轉人通身便迷已箇是前輩參禪如實而證如實而解吐露出來爲光明幢鏡蓋一切可謂萬世典刑千古榜樣掬其旨歸不出一心之妙用妙用既的如風行空不留朕迹初不言我能我解馳騁於世取笑識者心尚不存何法之有某舊時曾見一菴主其菴主曾見老琮和尚琮參晦堂後在昭覺園悟會中作西堂嘗自屈指云進磨大匠晦堂先師至老僧其已齒僅指頭早屈不得也蓋因悟齒包耳悟嘗畏敬之嘗有法語送僧行脚云老僧八十有二十八上不娶妻捨緣出家十九受菩薩大戒而後捧鉢超筵至二十五擔堦行脚出一叢林入一保社亦嘗成都參二三尊宿於它語下殊未釣深造入後至黃龍晦堂老人處詰風幡話一言勘破而老人大笑曰子且先求箇入處以爲基址然後起樓臺殿閣四年之後果於老人棒下得入方見十方無壁落四面亦無門始終一十七載方得穩當今八十有二方且無疑

今者慶上人忽來告別且曰人命無常富貴如幻我知之矣殊不知其所從今欲並游天下究其根源當以悟爲則至祝至祝兄弟家自如此後踐曾如此做工夫麼這箇是佗參禪底狀子一本且不似此時人一向高闊行大步禪將去脚根下殊無着實及至被人靠着又却面青面黃撞撞撞壁共緣打頭着脚手時便自錯了也又有一等兄弟似信不信似做不做不能一往直前遂致千差萬別運到頭白齒黃一無所成誠可憐愍更有一等兄弟皮下無血見人說青道黑淨地上胡撒亂撒採集向青黑中將爲己有增長我見到處逢人浩浩商量張老如何說李老如何說下語又如何煩乎又如何只管理會別人底自己依舊黑漫漫地却不知埋會底盡是糞土肥膩生死根株轉見婆婆如何得根株倒去等是充却頭壞却服何不一切拚捨盡三夜三行住坐卧以智慧力把生死根株東剉西斫一下倒去方爲快活無事人自然一舉萬里豈燕雀之所能爲雖然如是更須知有白雲道底且道白雲道箇什麼若遇掛牌時却來爲尔說破

徑山西堂寮入室罷衆請就座普說乃云百二十日

夏過了半月日參禪學道人緊急要着實果能兩
脚踏實便是一生事畢所以道參須實參悟須實悟
你若自憑智眼觸淨有歸佛祖病關永拋將刀蓋爲
你出言吐氣亮麗不孤暗鋒自今塵泥自異貴顯難
諧道存日擊早傷途轍況後守株待兔無瓜栖蘆掩
柳遲光卒難緇辨所以睦州見僧便道元成公按杖
你三十棒或時見僧便道提振漢且道他垂慈爲人
在什麼處何不抖搜精神着身眼將觀看是什麼道
理參禪漢若白無瞥地分參來參去參到彌勒佛下
生只贏得箇肚裏熱鬧若真實以參學爲要但只向
他古人一言一句一機一境崖岸將去自然恰恰相
當有箇奮發時節只如長慶和尚參箇驢事未了馬
事到來向雪峰玄沙會裏坐破幾箇蒲團一日卷簾
眼豁開不覺漏逗便道也大差也大差卷起簾來見
天下有人問我解何宗拈起拂子劈口打似此豈不
驚群動衆且非小根小器之所能爲除是不鳴鳴則
九霄之間定矣回視尋常室中爲兄弟舉箇話頭了
撐眉努目下喝下拍做盡萬千伎倆寧不面熱汗下
有愧它先賢分明向道潭又不見龍又不現子親到
龍潭直然領略得早是拖泥帶水那堪踏步向前求

覓解會轉疎轉遠有時又向道魯祖見僧便面壁向
這裏插得脚入作得去多少省力者他得底人自在
乾淨處立你自向泥坑裏輾輾得通身泥水却更說
道說理豈非大錯山僧昔曾涉獵伶俜辛苦備嘗此
味以故不惜父母所生口奉告兄弟果於省力徑截
處擔荷得去便乃身心蕩蕩地無欲無依自然形直
影端仰不愧天俯不愧地口無擇言身無擇行言滿
天下無口過行滿天下無怨惡正如壯士展臂不假
他力方謂之學佛種族曠達之士出叢林入保社豈
徒然哉便可以迴天關轉地軸救必死起膏肓建此
大法幢然此大法炬何往而弗利雖然如是爭奈破
菴未肯點頭在且道利害在什麼處良久云時暑各
自散去莫妨我東行西行便起

法語

示誼禪人

學道人立處孤危用處峭拔何止掀天撥地換斗移
星向生死長夜爲光爲明爲兩爲露饒益一切傍觀
看來只取得眼除非知有乃辨端倪不見臨濟參黃
蘗問佛法的大意三遭痛棒眼裏耳裏眯哩麻囉
逗到大愚處輕輕一撥猛省起來不覺道噫元來黃
蘗佛法無多子老大虫當下睡眼豁開礪齒磨牙掀
騰鼓舞生殺全提大方獨步觀其最初着脚觀捕已
自不群操履堅實逢人便喝擬山崩擬海竭臨

老極頭返被三聖倒與一喝却只隨搜搜道 誰知
吾正法眼藏向這瞎驢邊滅却所謂唱愈高和愈峻
其苦澁硬辣如此要箇性燥猛烈底樵荷誼禪項年
在蜀曾得聚首相別既久顧我於湖山之濱求話為
助道之要謾書此段葛藤示之決欲究明少室之道
不必問如之若何但只抵死拚生窮它三回賜棒
是什麼道理驀地覷破便知道黃檗佛法無多子豈
虛語哉回視從前憤憤悻悻只贏得箇咬牙切齒先
上座一場罪過不小如其不然大事為你不得小事
各自擔當

與嚴菴居士張御帶

道在平常日用中一段光明蓋人蓋地情塵暫起便
見下差萬別是故趙州問南泉如何是道只對他道
平常心是道已自當頭掇出却更問還假趣向也無
不免隨搜搜向道擬向即乖又更腦板道箇不擬爭
知是道轉見四棱踏地事不獲已不顧傍觀下無剖
露道箇道不屬知不屬不知知是妄知不知是無知若
造不疑之道如太虛空豈可強是非耶者箇便是十
八上解作活計底一款子招伏了也是故寒山子見
徹平常心便道吾心似秋月碧潭清皎潔無物堪比

倫教我如何說龐居士見徹平常心便道心如境亦如無實亦無虛有亦不管無亦不拘不是聖賢了事九夫是謂一錯百錯無乃錯之甚矣哉昔大居士動靜可觀容止可法鮮居富樂而高樂無惑存誠妙道兢兢業業念念無間不肯自欺直以大休大歇到不疑之地為期登金臺還定有力人也豈索然耶吾不覺許多肩膊膝只欲發居士大笑一回子且道笑箇什麼三賢尚未明斯旨十聖那能達此宗

示辯禪人

行脚漢出叢林入保社山靡草動墮在機先猶為不唧溜那堪依它作解存知見懼得失如之若何何止白雲萬里是故先聖道舉不顧即差豈非大張羅網千人萬人中撈攬一箇半箇以為種草力量漢眼卓朝地法燭才點當下便發無你近傍處做它曹溪門下客却須如是履踐如是操持退到崖崩石裂猶是半提邊事江西辯禪人從遊既久器識超卓念念以克證為期可謂本色道流也袖軸求語愚以退閑養病事不獲已因為偈辭云

示崑山虛堂頤居士

教外別傳之旨遍布群機之中而群靈具此真心威

德自在全体作爲光明烜赫晝夜無間而不覺知自作障蔽。隨任腦後却向他方問佛問祖。覓禪覓道。是故名爲可憐憫者。不見古德道汝但無心於事無事於心。自然虛而靈空而妙。若毫端許言之末。未嘗爲自欺。先聖垂慈愍物。當頭揭示。只欠箇性燥。更猛離心意識。出凡聖路。全機領畧。一念不生。前後際斷。仰不愧天。俯不愧地。蕩蕩無拘。熱則乘涼。寒則向火。至於飢食渴飲。復有何事。不見龐居士道。日用事無別。惟吾自偶。諧頭頭非取捨。處處勿張乖。朱紫誰爲號。丘山絕點埃。神通并妙用。運水及般柴。雖則盡力。描畫出來。未免喚鐘作甕。虛堂居士天姿洒落。存誠妙道。遍謁當世宗師。問以法義。數相往來。袖軸炷香云。者因被肯堂老話云。你開口便是。葉識某更無開口處。却自嘆息。許多時用意參禪。枉了心力。愚乃合掌告之曰。慚愧慚愧。見我不爲見成。槌換因行。掉臂也。借一棰直饒未開口。也是未識了也。如何道得恰好去。速道速道。

示寫法華經求僧行者

止止不須說我法。妙難思。諸增上慢者。聞必不敬信。已是成痕成迹。那堪荆青黃碧綠彩畫。虛空添得一場熱鬧。向曹溪門下。大地玄殊。要得相當。只向止止。

不須說我法妙難思處冷地裏捋下面皮自笑一回
子是真勇猛是真精進是名真法供養方知道寫經
求僧也不是不寫經不求僧也不是問人討法語也不
是不問人討法語也不是畢竟如何此是選佛場心
空及第歸子宜往矣無滯於此會有聞絃賞音者
栢堂劉居士持大慧禪師與成節使
法語復藏寶光塔求跋
大慧老人心手無礙沛然之作流無窮矣展轉自成
而至栢堂既能寶之奉寶光塔廟所謂照世燈精進
幢誠有在焉

倡讚

達磨

梁皇殿前不能把定少林山下風波愈盛若解謹初
護未不到箇形盡影

六祖

颺下採樵斧直入堆坊春一脚踏到底黃梅信息通

臨濟

揎拳捋肘只有一箇電卷星飛擡頭蹉過

布袋

散誕不拘儀軌街頭走到街尾逢人大笑呵呵那箇

禪人請讚

錯錯錯徒名馳盡得十成欠蹄少角一任天下人賤剥
寄蔣山如一翁
悠悠世路絕躋攀卧看白雲空往還惟有同參一句
子肯將容易混塵寰

寄王承務

經年相別無它囑莫只波波意裏求病去藥除消息
盡紅塵堆裏等閑游

送虎丘首座住菴

劍池拾得曹城劍凜凜寒光射斗牛為報不平平底
事直落蓬戶也風流

示禪人爲華嚴經

毗盧大經卷塵識久埋藏上人維端力撥出於毫光
笑它百城游歷日倒自起自忙江天月照夢破斜陽
一印印定無法商量

示楞嚴座主

見猶離是非真見還盡八還無可還木落霜天山骨
露不知誰識老瞿曇

示南華行者

黃梅會裏十二指虎驟龍馳空點雪碓踏老盧鼻孔

拙坤維占斷最高峰

自詒

宴坐白雲裏經行碧嶂中遊人窮不到幽鳥自怱怱
真上人東炬

其不立妄本空有無俱遣不空成言饒空盡無一物
正好投身烈焰中

初上人撒骨

颺下娘生袴投身大火聚火聚裏翻身失却最初步
正恁麼時如何鴈影落寒潭孤舟橫野渡

然藏主撒骨

小乘錢寶大乘井索權實半滿已被然藏主一時穿
鑿如今煙滅灰飛尚有者些雲落落雖零落佛祖位卑
難容且向太湖安著

穎菴主撒骨

掉却錢塘佳致湖山占得清幽泥牛闖入海便乃賊歸休
皮膚脫落短棹孤舟不著此岸不著彼岸不滯中流
有時乘好月特地過滄洲

行狀

師諱祖先蜀廣安新明王氏子幼謫居
父母繼喪從羅漢院僧德祥出家時已
知教外之意聞緣老宿者佳晤覺有通
行往歸之見相投令奉鬪悟番香人
一日從方丈前過緣問番頭有久麼師
之無笑語朱金兒緣臂有與之重李玄休聲
師忽有省從而奮鬪緣化去遂出嶽依

澧州德山涓禪師識其台為法器與落髮
受具入禪苑參諸方首謁潁山行和尚常
詰問益狗子無佛性話行云非有無之無
如何師云即今亦不少行云又追不入會
久之捨法云至平江不留早遣值天大雪夜
坐乃自念言行脚十年矣此面若不徹
去又是虛生浪死止隱之間不與見鍾靈
趁後架不與全頭見照堂云子疑情頓釋然

見建元丘瞻堂遠淨慈月堂昌後見水菴
一於雙林嘗入堂一問師子尊者被罰
宿國王斬却頭故是你道西天胡子為
什麼無顛師云非雙林不與奉此話云
今日撞著箇作家師云心不負人面無
慚色一遂拓開師云勘破了也水菴退
雙林遂往見密菴於烏巨眾終滿百
然比日一時龍象人叩師為典是常隨眾入

室密菴為傍僧舉不是風動不是幡
動師聞豁然大悟從此機語相契大自
密菴遇師於衆寮前謂師曰不得問許
不得以手物不得作伎倆你試露箇消
息看師應聲云方丈裏有密菴菴呵
大笑密菴遷將山師亦侍行首尾凡五載
辭歸蜀密菴以頌送之云万里南來川
流盡且大奔流度力和玄關頂門歡
眼去住還同珠走盤其許與之重如
師既歸蜀初住果之清居梓之望川未
幾復振錫而南至夔門時尚書楊公輔
素聞師名以卧龍招之留三年出峽至
常州華藏遇菴演始延師分坐子僧衆
皆傾服至於金山退菴奇靈隱笑菴悟
徑出家菴聽師至必延居茅第一座衆輒
倍常密菴住常州為福真州靈居平江

秀峰後居張猶王所捨宅廣壽慧雲禪
寺為開山住持三年辭去眾爭留之師
云前既離茲豈有返音眾不能強師乎
主去就多若此又任平江寧寧陸與子者爭
為出力持鉢以自贍雖藜藿糗飯而談
道終自有古風焉會楊和王府以鳳山資
福延師以年高無往意而與子者強之居
無何即辭上徑山時淨慈闕主者 朝首

下諸山舉有道者三人師嘗預焉相繼
鎮江侍郎傅公以甘露起師不樂就蓋
知時節將至也師苦脾疾忽一日付囑後
事親作遺書別常旌學書者至晚書
四句偈云末後一句已成初但寫出公前手
錯一字錯書訖訖端坐而化實以嘉泰四年六
月九日也後三日茶毗先是師遺囑欲葬
四目山卡主人石橋禪師為建塔於凌霄

峰別峰塔之右壽七十六鵬四十九人略
記錄親聞於師之步處大既未出當求名世
大手大書碑銘以傳無窮云嘉定五年
五月日住鎮江府昭慶禪寺嗣法宗桂編次

天下衲僧尽道

破庵師伯擊碎破砂盆所以吾處人全提
佛祖命脉開鑿金人天眼目正是謗訛殊不知
此老未出關時不開口不動舌已是布縵天
網打鳳羅龍烱烱光明照耀千古豈待
道囀為蛇畫足倒持虎尾頃其徒持此錄
來因獲諦觀教書于後具其頂門眼者必
不於言句中尋討到壬申嘉定元日住平

江福臻法姪

道巖

跋

此錄舊板已漫滅茲者命工重
刊置于龜山金剛禪院伏願
佛種不斷世世建光明幢祖印
親傳人人開無盡藏

應安庚戌孟春天龍東堂比丘妙範題

江蘇蘇州府

通志

卷

此縣舊名已廢故城在今江
南置子通山金剛寺伏願
佛地亦明世世通光明祖印
親傳人天無盡藏

通志

